

保大六年

西曆一千九百三十一年

第廿八卷

# 南風

越漢文  
主筆范瓊

印刷所河內東京印館

◎ 南風雜誌第十五年上半年目錄攷

保大六年西曆一千九百三十一年

★ 第百五十八期 [西正月] 張數

◎ 第百五十九期 [西二月] 張數

五

梁朝野史

歷朝憲章科目誌卷之二十六

一

歷朝憲章科目誌卷之二十六

七

△ 第百六十期 [西三月] 張數

▲ 第百六十一期 [西四月] 張數

九

名詩摘錄

七

仙田阮攸先生遺著

九

歷朝憲章科目誌卷之二十六

十五

歷朝憲章科目誌卷之二十七

廿三

○ 第百六十二期 [西五月] 張數

● 第百六十三期 [西六月] 張數

廿五

名詩摘錄

十三

阮南叔鳴鶴詩集

廿五

歷朝憲章科目誌卷之二十七

廿九

歷朝憲章科目誌卷之二十八

廿七

# 黎朝野史

通攷僞莫世系

莫登瀛

後僭位十一年。改元大正。

登庸篡位二年。自以年老。以位與其長子登瀛。自稱太上皇。出居祥光殿。以漁業爲邀遊自樂。

莫登瀛

後僭追稱號爲太宗。

李朝尚書莫顯績之子。莫挺之字節夫。

俗名秀策。以所居龍洞社俗號几策之故也。世傳公於甲申年六月初八日申辰生。今無可考。

貴至靈縣龍洞社。史記作平阿高堆人。

按自突嶺向下沿河一帶石洞榜號爲旁河社。故今移舍冠寺號旁寺。是其驗也。

世傳本鄉有大陵阜林木蔚茂。中有獮猴居之。其母常往刈薪。爲猴所

脅歸語其父。遂裝婦人服懷刀往焉。猴狃故態。父提刀殺之後。母往刈薪。見土虫於猴尸已培成一墳。父異之。母因懷妊彌月而生。姿相卑陋。人以爲猴精之驗。其父壽終。遺言當葬於猴墳之上。

蓋亦默知。

天機。蓮在井中雖卑而可貴也。及後父沒。附葬于下。至今尚存。公生穎悟。資稟過人。陳皇子昭國王益稷開學堂肄習。公往受

業。年既冠。英宗甲辰科中狀元。對策文宜魁多士。上以姿相卑陋。不欲賜狀元。公作玉井蓮賦以自

况。蓮在井中雖卑而可貴也。

上覽之而悟。遂置上第。歷任名職。奉往北使。與北人訂日交關。阻風雨愆期。爲北人所

拒。公婉辭致請。北人寫對句。自闢上投過云。『過闕遲關門閉。願過客過關。』公立對云。『出對易對

對難。請先生先對。』北人服其敏。開關賜進。至北朝。元人以公相貌卑小鄙。一日宰臣召入相府

與之俱坐。有薄帳繡黃雀在竹枝上。公以爲眞雀。趨就捕之。元人笑其鄙陋。公卽曳裂衆皆怪問。公

曰。我聞古人有梅雀畫。不聞有竹雀畫。今宰相帳竹繡雀何也。夫竹君子也。雀小人也。宰相繡此。是以小人加君子之上也。恐小人道長。君子道消。故爲聖朝除之耳。衆服其高。及進朝。適外國進扇。元

帝命公與高麗使贊之。高麗使先就其辭。曰。蘊隆蟲蟲。伊尹周公。風雨淒淒。伯夷叔齊。公未定體製。

望見他筆管知之。遂因其意而推演之。云流金爍石。天地爲爐。汝於斯辰兮伊周鉅儒。北風其涼雨雪載塗。汝於斯時兮夷齊餓夫。噫用之則行。舍之則藏。唯我與爾有是夫。旣成進呈。御筆圈疊句封。兩國狀元在北。與北人遇于途。公乘驢促其馬。北人誦語曰。促我騎馬。東夷之人也。西夷之人也。公卽對曰。遏予乘驢。南方之強歟。北方之彊歟。北人出對云。杞已木否。桮木何以杞爲桮。對曰。僧曾人佛。弗人胡以僧奉佛。北人出對云。安去女以豕爲家。對云。囚出入入王成國。北人出對云。魑魅魍魎四小鬼。對云。琴瑟琵琶八大王。北人出對云。鳥止枝頭談魯論。知爲知不知。爲不知是知。對曰。蛙浮水面讀鄒書。獨樂樂與衆樂樂孰樂。北人出對云。日火雲烟白。旦燒殘玉兔。對云。月弓星彈黃昏射落金烏。其出口成章。無有屈撓如此。公在北。元人大奇其才。其居官清潔薄於自奉。陳明宗體其清儉。使人將錢十錙。夜深置公門外。明日公見之。入朝以聞。帝曰。仁卿取之後。脫軒先生有詩云。第一魁元早致身。居官不改舊清貧。扇銘取重燕臺譽。使節方知國有人。公歷仕憲宗。爲入內行譴右侍郎。歷陞左僕射。國語傳載。公遇亡婢。引見冥司。頗涉怪誕。今惟超類縣古珠寺有間橋九架。傳言公因冥事而造。後人重修之。公貴而能貧。故其慶留後人。世豪東夏。子侃直官員外郎。瑤司刑院大夫。孫莫迪莫邃。莫遠皆爲氣力。遭胡氏篡陳。以先世事陳。有爲國報仇之志。會明帝遣張輔討胡。軍次富良江北岸。胡氏委國男女老幼列冊固守。明人不知虛寔。不敢渡江。邃等自南策府與三帶府僉判鄧京皆來附明。備言其故。明人乃敢渡江。所攻克捷。因以爲向導。莫邃以下頭目。旣如卿等擒獲。胡漢蒼及其子芮於高望山厥功爲最。邃兄弟仕明。邃爲參政使。迪爲指揮使。遠爲鹽鐵使。皆列貴顯。後吳平亦不及於難。遂生蒿移居清池縣蘭溪社。蒿生萍又徙于宜陽縣古齋社。萍生檄檄娶本

社鄧椿長女生三男。長登庸次篤信季曰。櫟乃狀元七世孫登庸幼以漁爲業。及長有勇略。考中黎朝力士出身。是時騎都尉三人。並有才名。管都力士而青池縣安逸社人。探花丁鑾之父爲其長。登庸在第三。上常夢三都得天下。旣覺疑丁公父才力相雄。且有令子。乃與第二人並賜死。而不及登庸。不知三人乃第三人也。襄翼帝洪順三年官拜都指揮川武侯。時術士云。東方有天子氣。帝使阮文郎與術士往塗山壓之。而登庸亦在行。終不知覺。昭宗光紹元年封仁國公。威權日重。廢昭宗爲陀陽王。而立恭帝。統元二年進封爲安興王。六年廢恭帝而自立。僭號明德。居昇龍城正殿。以昇龍爲昇京。宜陽爲宜京。立宮府如陳家天長故事。追封狀元公爲惠靈慶大王。夫人爲兩國慈正公主。永爲福神。又以狀元公所居龍洞社故基爲崇正殿。狀元公父墳爲陵。僭自丁亥至己丑凡三年。自以年老。乃以位與其子登瀛。自稱太上皇。出居神光殿。纔二十年而死。登瀛僭號大正。居位自庚寅至庚子凡十一年而死。子福海襲位。僭號廣和。自辛丑至丙午凡六年而死。僭諡宣宗皇帝。子福源僭號永定。改元統曆光寶。據位三十六年。僭號憲宗皇帝。至鑿太宗光興十六年。茂治僭號淳福崇康延茂瑞泰興治洪寧。凡三十八年。爲鄭松所敗。去昇龍據京北鳳眼縣。其叔謙王敬典爲鄭軍所敗。其子敬止竊據拋山城。僭號康祐。纔二月間。鄭軍渡河擊之。俘獲莫宗室。朝臣不可勝數。先是延成八年乙酉十一月程國公寢疾。茂治使慰問。且語以國事。公但曰。他日有事。高平雖小。可延數世。是後七年莫亡。莫宗室玉璣竄入內地。尋得敬典之子敬恭立爲莫。後明朝臣又奏安插敬恭高平地方。黎朝始置不問。敬恭既竊據高平。僭號統元。據位三十四年。禪位于其子敬寬。自稱太上皇。迨神宗永祚初。官軍進討。俘獲敬恭誅之。敬寬僭號龍泰。次年乞入降。請去尊號。稱藩臣。詔許之。封太保通國

公歲奉職貢陽和四年敬寬卒其子敬宇復反僭號順德永壽三年敬宇降于清改號敬曜清廣西巡撫奏爲安南都統使玄宗景治五年攻破高平敬宇挈家屬三千奔內地鎮安州復假名元濟訴于兩廣督撫督撫諸臣爲之請帝命暫移元濟於南甯遣使來言還其地黎朝以事大惟恭辰命且姑從之且使莫孽臣事本國如其祖敬寬故事是年卽命高平督鎮武榮進將兵還以四州地交敬宇及清吳三桂反於雲南元濟從其僞號資之兵甲熙宗永治二年吳三桂死清兵入廣西黎朝臣擬乘機進勦乃遺書諸將罪狀元濟命丁文左等破之元濟走龍州餘黨皆潰

據本紀黎附莫僭自恭帝丁亥統元六年登庸僭位明德元年傳五世至壬辰洪寧三年茂治被俘又繼以雄禮公敬止自稱康祐初年當世宗癸巳光興十六年敬止被擒前後六代共七十年識云莫得於亥失於亥至是果驗登庸丁亥篡位茂治以癸亥亡再自黎世宗甲午光興十七年敬恭竊據高平至玄宗丁未景治五年敬宇失據凡三世共九十四年

▲附狀元莫挺之津館碑銘云

上帝降衷人具秉彝自拘氣稟從欲惟危洞洞汶汶營營規規淫放邪僻遑知其非貴則驕至富與侈期堂簾之正畫悅璇題灶釜之奢薪蠟炊飴醉濃飽餌衣輕乘肥轉溝饑夫一金客而露宿行人一庇不施惟利是視如狂如癡善爲之端孰擴而推館名中津義取於斯中卽其善津卽其歸知止有定造次弗離坦履正途不惑他岐行已待人念茲在茲事父盡孝事君勿欺兄友弟恭夫唱婦隨友交止信切切儻僂慮此善道非我得私人之有善若有之聖賢何人欲是則稀求造其極在推所爲其訓甚明誠爲我儀勿謂善小必主爲師勿謂惡小必謹於微曰智曰愚一醒一迷有識君子力行審斯顧此名義無愧斯碑